

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), na prijedlog Federalnog ministarstva energije, rudarstva i industrije, Vlada Federacije Bosne i Hercegovine na 188. sjednici, održanoj 22.08.2019. godine, donosi

ZAKLJUČAK

1. Vlada Federacije Bosne i Hercegovine primila je na znanje Informaciju o realizaciji projekata izgradnje vjetroelektrana u Federaciji Bosne i Hercegovine i statusu priključenja na prenosnu mrežu.

2. Vlada Federacije Bosne i Hercegovine zadužuje Federalno ministarstvo energije, rudarstva i industrije da se priključak novih proizvodnih objekata iz neupravljivih izvora električne energije na prenosnu mrežu Elektroprijenosa BiH a.d. Banja Luka ukupne raspoložive instalisane snage 77 MW, od odobrenih 307 MW za vjetroelektrane i 267 MW za fotonaponske elektrane, uz mogućnost ustupanja jedne tehnologije u korist druge, izvrši na bazi sljedećih kriterija:


- a) priključak za nove proizvodne elektroenergetske objekte, za navedenu preostalu raspoloživu instalisanu snagu iz prethodnog stava, će se dodijeliti onim investitorima projekata koji prvi dostave Federalnom ministarstvu energije, rudarstva i industrije sljedeće dokaze:
 1. energetska dozvola
 2. bankovnu garanciju kojom će se dokazati da su osigurana sredstva za finansiranje cijelog projekta
 3. potpisan predugovor o isporuci vjetroturbina, odnosno potpisan predugovor o isporuci opreme za fotonaponsku elektranu

- b) saglasnost za priključenje investitoru za projekte iz neupravljivih izvora električne energije iz tačke a) će se izdavati nakon što investitori dostave dokaze o ispunjavanju sva tri uslova, a broj investitora će se odrediti shodno planiranoj instalisanoj snazi vjetroparkova/fotonaponske elektrane, pri čemu ukupna instalisana snaga neće preći 307 MW za vjetroelektrane i 267 MW za fotonaponske elektrane, uz mogućnost ustupanja jedne tehnologije u korist druge. Za manja odstupanja/prekoračenja u odnosu na instalisanu snagu, ako se pojave, neophodno će biti dobiti prethodnu saglasnost Elektroprijenosa BiH a.d. Banja Luka i Nezavisnog operatora sistema, NOS BiH-a.

3. Zadužuje se Federalno ministarstvo energije, rudarstva i industrije da dostavi na znanje zaključak Elektroprijenosu BiH a.d. Banja Luka, Nezavisnom operatoru sistema, NOS BiH-a, Državnoj regulatornoj komisiji za električnu energiju BiH (DERK-u) i Regulatornoj komisiji za energiju u Federaciji Bosne i Hercegovine (FERK-u).

4. Ovaj zaključak stupa na snagu danom donošenja i isti postaviti na web stranicu Federalnog ministarstva energije, rudarstva i industrije.

V. broj: 955/2019
22.08.2019. godine
Sarajevo



PREMIJER

Fadil Novalić